

PRO NOVA
BIBLIOTHECA

ROMANAE
SAPIENTIAE,

dedicata publicataque

AB

ALEXANDRO VII.

PONT. MAX.

ORATIO

IACOBI ALBANI GHIBBESII, M. D.


atque in eadem Academia Eloq: Prof.



ROMAE,

Ex Typographia Philippi Mariae Mancini:

MDCLXV.



SVPERIORVM PERMISSV.

1770

1771

1772

1773

1774

1775

1776

1777

1778

1779

1780

1781

1782

1783

1784

1785

ILLVSTRISSIMO³
 ROMANAE CVRIAE ORDINI.
 COLLEGIO XII-VIRVM
 CELEBERRIMO,
 SACRI CONSISTORII
 ADVOCATIS.



IACOBVS ALBANVS GHIBBESIVS

S. P. D.



YRVM narrat Xenophon, Persarum regem, cum Lysander Lacedaemonius ad illum Sardeis venisset, quandam ei conscriptum hortum diligenter conspectum ostendisse: cum autem suspiceret Lysander & proceritates arborum, & directos in quincuncem ordines, eum inde dixisse, mirari se non modo diligentiam, sed etiam solertiam eius, à quo essent illa dimensa: & ei regem respondisse: Atqui ego ista sum dimensus: cum hospitem voce sublata exclamasse, Rectè verò te, Cyre, beatum ferunt, quoniam virtuti tuae fortuna coniuncta est. Quanto ALEXANDER Pont. Max. Cyro vel hac etiam in parte beatior: qui, dedicata modò in hac ciuitate, nationum ac terra-

rum omnium luce & arce, SAPIENTIAE Bibliotheca, non arborum furculos, aut ad certam figuram dispositos ordines, sed longius quiddam, quàm vitæ termini serunt, spe atque animo diuinè complectens, doctorum virorum filuas, literarumque & doctrinæ vi-
reta sua manu sata esse, meritò & optimo iure possit gloriari!

Verùm cum ipse, quæ semper fuit Sanctissimi Principis in summo imperio summa vel moderatio, vel modestia, licet omnia digna faciat immortalitate, minime tamen ob benefacta popularem auram curet aut aucupetur; nostrum est, qui tam præstanti munere deuincti sumus, Gloriam virtutis & magnorum meritorum comitem, quam ille fugiens & contemnens vitare nequit, solidi velut umbram corporis, adiungere prædicando. Id adeò nudiustertius à me factum est grauissimis verbis in Aula Sapientiae, teste illius augusti splendoris ac liberalitatis, incredibili voluntate, in conspectu confessuq; vestro, PATRES AMPLISSIMI, præterea celebritate Urbis tanta, quantam coisse aliàs in re simili vix recordatur vlla memoria. Quocircà quæ tali audita plausu acceptaque fuit Oratio inter Academicas exercitationes nostras, visum est eandem propter rei subiectæ amplitudinem, personæque laudatæ dignitatem, è Lycæi umbraculis in Solem & puluerem longè lateque proferre.

Quod nunc ago equidem reuerenter sub auspicijs illis ipsis, sub quibus res tum tota gerebatur, hoc est, vestris: qui vti estis florentissimi Gymnasij, nostrique studij moderatores, sic etiam tot bonorum scholis nostris

NVNCVPATORIA.

Arts & artibus, quas profitemur, procuratores extitistis. Multas insuper rationes alias Dedicationis huius adducere possem iustas & debitas, nisi cui occurrerit Oratio, cuperem eas potius in fonte legi atque cerni. Perspicietur inde clarissime, quomodo laudis multiplicis optimo Pontifici tributa vos quoque ex parte in societatem veneritis; quandoquidem hoc vno duntaxat bono facto versus Romanam Sapientiam diuulgato, nulla erit vita præsens officij tam oblita, nulla tam surda posteritas, nulla fama tam ingrata, quæ communi vos preconio non inuoluat. Summis enim, ut ait ille, rectoribus imperij pia & decora suadentes, instrumenta sunt boni seculi. Nec sanè vos ipsi, meo iudicio, in vlla causa unquam. Sacros Aduocatos magis ostendistis. Valete, ILLUSTRISSIMI VIRI, illudque porrò agite, quod agitis.

Romæ, ex Musæo nostro in Aedib. Exc. Princ.


Iustiniani, 4. Idus Nouembr. 1065.



PLATO

Epistol. Libr. 7.

LIBRI! LIBERIS. CHARIORES. SVNT
PARENTIBVS. QVANTO. MENTIS
FILII. SVNT. PRAESTANTIORES
QVAM. CORPORIS.



Imprimatur,
Si videbitur Reuerendiss. P. Magistro Sac. Palat.
Apostolici.

O. Archiep. Patrac. Vicesg.

Imprimatur
F. Hyacinthus Libellus, Sacri Apostolici Palatii
Magister.



Pro noua Bibliotheca

AB ALEXANDRO VII. PONT. MAX.

In almo Ro: Sapientiæ Athenæo magnificentiſſimè extructa, & vſui publico
perliberaliter conſecrata:

O R A T I O

AD SACRAE AVLAE CONSISTORIALIS

A D V O C A T O S,

eiuſdem Gymnaſij moderatores;

H A B I T A

In Aula Sapientiæ Non. Nouembr. Anno 1665.



OLITE hodierno die, AVDITORES,
& pro veſtra recurrentium ſtudioꝝ auiditate perpetua, & pro mea viciffim anniverſaria conſuetudine laudandi vobis authorem aliquem ex hoc loco, cuius libros procedente deinceps tempore interpretaturus eſſem, nolite, dico rursus, expectare abs me hodiè, dum mos ille vetus per ſe ſanè laudabilis, at re alia obueniente meliori non conſtantiſſimè tenendus, inſtauretur. Licuerit aliquando extra ordinem, pulchræ proliſ gratia, matrem extollere; ſit fas, quemadmodum parentes, Orphej Calliopèa, Lino formoſus Apollo, poëtarum verſibus decantantur; imò ſicut Amalthæa, ſcœmina aq capra, ſi Dijs placet,

placet, quòd nutrix fuerit summi Iouis, officij præmium inter sidera locum habere dicitur; pari ratione nobis tor doctissimorum hominum monumenta, quasi animas, conseruantem & fouentem, toto pectore ac neruis omnibus, in cælum efferre Bibliothecam. Sic equidem solita via, non deerare mihi multum videbor, si pro libro vno sexcentos, vel mille, vel plures in medium digna prædicatione protulero. Quò etiam id longè gratius vobis acceptiusquè debet accidere, quòd minimè procul abeundum sit; arcessemus è proximo encomia nostra; parietes, atria, porticus, exedræ huius ipsius gymnasij contingunt magnos manes, eodemquè spiritu propemodùm animantur; vno verbo, Romana nunc Academia sinu suo præclaros literaturæ principes, veluti equus Troianus inuictos illos Græcorum duces, arctissimè comprehendit.

At enim, vbi egregij isti libri, occurret aliquis: vbi plutei, vbi loculamenta; cùm locus vixdum ipse appareat aptus & perfectus? Apagè, cum angustis eiusmodi captiunculis, insulsiissime Mome; quisquis es: priùs disce, author totius structuræ qui sit, indè dubita sodes de progressu cœptæ absolutionequè magnificentia. Diogenes vt non capit, ita neque intelligit animos Alexandri; rodere vult tamen eius illustria, & gloriosa non modò facta, sed etiam cogitata Cynicus. Annè putaret vnquam homo pusillus, capto inter spolia Darij, Persarum Regis, vnguentorum scrinio, quod erat auro, gemmisque, ac margaritis pretiosum, quid eo facturus sapiens Imperator fuisset? Alterum Homeri volumen, Iliada nimirum, (quam rei militaris viaticum ille orbis victor, totum se ad exemplar Achillis componens, appellabat) secum vbiquè circumferre, semper etiam vnà cum pugione sub puluino iacentem tenere erat solitus. Quorsùm tandem, aut cur ista ponuntur à nobis? quid Homero cum arcula Darij commune intercedit? aut quid non potius toto coelo disiunctum, maximequè diuersum? Scitè consociauit Alexander, glutinatore videlicèt summo vtriusque pretio. Cum enim delato ad ipsum myrothécio, quo nihil inter omnem gazam

gazam Perficam æstimabilius ; pulchriusve repertum est , quæreretur , in quem usum destinare id vellet , purpuratorumque aliud alij , vt sit , suggererent atque suaderent , respondisse plusquam regiè dicitur ; Huic optimè seruandum dabimus Homerum . Quà quidem voce grauissima ; mentis cuiusdam diuinioris indice , magnus heros quid senserit , perspicuè declarauit , nullum esse thesaurum ingenij excellentis opere pretiosiores . Multa mihi se ex hac narratione offerūt, **AVDITORES**, vltroque veniunt in rem præsentem apta & accommodata ; nomen Alexandri pulcherrimum eius factum erga doctrinarum artes, libri, scrinia; nihil vt in eodem requiri genere similius posse videatur . Quod dum probo , resque partis vtriusque singulas conféro inter sese atque committo , date , quæso , hanc veniam , vobis facilem , mihi peropportunam , reliquum sermonem ad eos , quorum interest præcipuè , Sacri Consistorij Aduocatos , præstanti virtute , ac sapientia viros , vniuersi & orij , & studij nostri custodes , & moderatores , qui suo me confessu frequentique corona cohonestant dicentem , grati animi causa conuertendi .

Vestrum est, **PATRES AMPLISS.** vestrum est opus, hæc, qua cingimur, magnifica moles ; hic apex augustissimi templi , in quo Dei cultus & religio celebratur ; hoc literariæ palæstræ illustre tabernaculum , vbi tot lecta ingenia nationum ac gentium omnium ad laudem exulta efflorescunt ; hæc Hermathena denique, de cuius maximè laude propositum erat mihi loqui , Palladis , & Mercurij commune domicilium ; bibliothecam intelligo tam affabrè elaboratam , vestraque assidua cura perfectam ; intra quam viuere , ac se tanquam in sacrarium recondere voluit Rom. Sapientia . Cum opus dico esse vestrum , vt nihil de immortalis beneficio principis authoris **ALEXANDRI**, Pont. Max. detrahatur , cui tanquam Deo cuiusdam bonarum artium hoc , quantumcunque est , splendoris debemus & dignitatis , perindè velim accipi, atque ego id ipse sentiens profero ; eam vos in re tanta habere partem, quantam maximam cupere ipsi aut arrogare potestis, consilij, prudentiæ ,

tia, virtutis, patrocini, gratia, existimationis vberem, fructum : similiterque fecisse viro singulari ingenio, summaque auctoritate prædito apud Alexandrum Macedonem Aristoteli, qui missis per orbem terræ, altisque multis annos ubique sumptu planè regio gnauis inuestigatoribus earum rerum, quæ à natura inuolutæ videntur, quinquaginta præclara volumina De historia Animalium ex liberalissimi domini, eiusdemque scientissimi voluntate perscripsit. Vtri tandem referre acceptum hoc tam luculentum cognitionis latissimæ monumentum posteros decet, Regi, an philosopho? Regi quidem certè, qui huic suppeditauit impensam, Non tamen & proximè, Aristoteli gratia, curatori & consiliario, meritæ debitæque sunt habendæ, cuius per diligentem opera effectum est, vt tales diuitias atque ornamenta animi quammaximè explicare haberemus. Simile quiddam, multò autem & maius & excellentius vestro in facto cernitur (par enim iuste nequeo dicere, verbo nimis humili, cum parium comparatio non admittat elationem) tantumque illud, quod commemoravi modò, omni ex parte antecedit, quantum Lunæ Sol, aut ignibus quantum Luna præluet cæteris.

Agè verò, rationes igitur singulas minutatim, & quasi per membra, discutiamus. Tum enim verò præfens seculum quàm nulli præteritarum ætatum, eximie virtutis, ac splendoris fama, debeat inuidere, probo & fideli partium examine, liquidò constabit. Primum Alexander Alexandro ille quidem, sed quo, Deus bone, interuallo! terrenus Imperator cœli Vicario, Rex Pontifici, Magnus Maximo, erit opponendus: tum Aristoteles vnus solus sapiens per multis clarissimi ordinis, & collegij disertis viris, ipsius præsidibus Sapientiæ: deinde librorum volumen, ac veluti synthesis eiusdem generis, nempe de natura Animalium, tot diuersis rerum omnium codicibus: tum poetarum Homerus princeps (accedant sanè illæ, etiam ad cumulum, quæ iam antè præcesserunt) cunctarum artium, & scientiarum coryphæis: postremò Darii pyxis aurea, quamuis fulgentibus distincta gemmis, prælon-

longis armarijs è solida quercu , pyro, vel cupressu fabrefactis , artificioseque incis, & dolatis . Non hic magno-
perè opus est Critolai libra , aut aurificis alicuius statera
curiosioris : videtis profectò vim in hac populari trutina,
per vos ipsi veritatis ; quantum res scilicèt præclarè gestæ
nostri munificentissimi Principis in alteram lancem im-
positæ contra Macedonem , multò grauiori ex parte propen-
deant, atque præsidij huius & magnitudinis animi lancem
alteram sublimè tollant , vti floccum . Nolo exaggerare
iam insignem Mineræ Regiam, vbi tantæ opes continen-
tur , laxitate vastam , fenestrarum multiplici lumine per-
flabilem, tectorio fornicatam opere , typis , signis , tabu-
lis eleganter exornatam . Id etenim appendicis adijcitur
loco merè gratuitum supra pondus ; sed ita, vt quemadmo-
dum ait Lucilius mantissam obsonia vincere , iure queam
affirmare, isto gratioso corollario largitatem regis omnem
esse superatam . Quid de parentis eiusdem indulgentissimi
muneribus dicam alijs propè infinitis ?

Memor sum promissi , *Patres Conscripti* , quod initio
statui, quod etiam vsquè ad orationis exitum meæ serua-
bo iniolatè, nihil me laudis in cumulū eius beneficiorum
extrinsecùs allaturum , (quando enim finis, aut verò mo-
dus vnquàm fuerit , si de omnibus in omnes velim verba
facere ?) nec ab huius Lycei ambitu , iure certè ipsius at-
que possessione , transuersum (vt aiunt) vnguem esse ad
alia deflexurum . Ex quo faciliè intelligitur , tum coeleste
donum Sancti Corporis in sepulchreto Priseillæ nuper in-
uenti, nomine , sicuti capsâ plumbea præferebat vnciali-
bus exesis adscriptum litteris , Alexandri sine dubio Mar-
tyris, huic sacræ ædi tributum, eam eam ipse præsens qua-
tuor abhinc annis , postridie Idus Nouembreis, die Solis,
stipatus sacro Senatu , legatis, ac proceribus, toto coeun-
te ad insolitum spectaculum populo Romano , gloriosè
dedicaret, huc esse referendum ; tum Hortum medicum,
licèt sub Ianiculo remotiorem, eodem aduocandum; quod
foret argumentum , optimo pastori, idest, Regi secundum
Platonem & Homerum , æquè vigilant, & amanti, con-
iunctè

iunctæ cum animæ salute nostri, sanitatem corporis propositam fuisse. Ita salubritas loci commendat herbarum bonitatem, ita pariter luxuries ac varietas stirpium exterarum & nostratium loquitur cœli soliquè fecunditatem, Ager quippè leniter decliuus edito monticulo iucundè intumescit; amplius prospectus ex Etruria in Urbem; quodquè caput est, & sine quo summa timeri materiæ medicæ penuria posset, irrigat paruus Nilus, ex alto ad subiecta labra, quasi ad catadupa quædam, præcipitans multis ostijs, iugi illuc scaturigine per idoneos tubos corriuatus. Tum ad extremum, nè plura cōficer, sex suggesta de integro (cathedras vocant) quæ desiderabantur, instituta ab ipso, & dotata, quis ignorat huc maximè pertinere? Sic, qui corpori, & animæ modò consuluerat, is animi mentem quoquè pastu suo atquè honesta voluit recreari voluptate. Quorum cuiusq; doctrinam qui maturè consideret, vtilem imprimis confluenti iuuentuti, rei quæ publicæ necessariam Christianæ, vel domi ad formandos firmandosquè hominum de Deo rectè sentientium animos, vel foris ad refellendos perfugarum, aut alioqui factiosorum errores, nã ille in isto bono vnico, cætera promerita vt abessent, conclusa putabit vniuersa.

Ite nunc, Leonisquè seculum prædicare pulchrum & beatum hac in parte, si placet, etiam aureum, quòd egregius Pontifex literatorum præses, summè ipse literatus, viros vndiquè omni doctrinæ laude præstantes ad hoc suū liberalium artium recens seminarium, cuius erat author, (non enim vocare id queas emporium, vt hodiè, disciplinarum orbiculata serie confertissimum) per amplius præmijs euocatos conduxisset. Et quot tandem, per Deos immortales, recenset Paulus Iouius, eiusdem Leonis vitæ scriptor nec indiligens, & locuples historicus? quinque scilicet pro absoluto numero; quos etiam tanquam magna quippiam, vt admiramur ferè principia, nominat honoris causa: nec nos eadem gratia tacitos hic præteribimus: Augustinum Sueffanum Philosophiæ, Cristophorum Aretinum medicinæ, iurisprudentiæ Hieronymum Butigellam,

Par-

Parrhasium artis Rhetoricæ Cosentinum, & Basilium Calchondilam Græcæ linguæ, professores. Hui, quàm tempora mutantur! quàm paruo contenta erat superior ætas præ fastidiosa hac nostra! siue istud fastidium acriori iam discipulorum ingenio condonandum sit, siue iudicio magistrorum limatori, siue herclè amborum delicatiori palato. Quomocunque se res habet, accreuit numerus è quinque istis, ascenditque paulatim, insequentium Pontificum singulari de studijs benemerendi voluntate, ad sex, & triginta præceptores: vt liquet ex catalogo huius Collegij annuo: quos equidem singulos, nisi quòd admixtus ipse sum, cæterùm dicere Roscios non verer in ea, quam quisque profiteretur, facultate. Si conferre volumus vtrumque seculum, illud per me licet, vt hætenùs dictum fuit, dicatur porrò aureum, dummodò hoc præsens, quod suo quasi iure sibi vindicauit, gemmeum appelleretur. Et verò quidni vocemus idem rectissimè gemmeum, aut si quod aliud nomen apud mortales illustrius inuenitur, conflatum ab ALEXANDRO, Sanctissimo Pont. purum putum ex clarissimis scientijs atquè virtutibus? Quid? Augustus Cæsar hanc Urbem, quam ille lateritiam susceperat, reliquit se marmoream iactare se potuit, ALEXANDER, Dei maximus & quæstor & antistes, mentes hominum è lucidis illis quidem, potestate diuina propè cælestes efficere non potest? Cùm præsertim Augustum suis ipsum in amoribus, præconio, & arte, iam dudum in cunis, vt ita dicam, auspicati principatus longè multumquè superarit, eam ipsam Romam inuentam à se marmoream tantis accessionibus liberalitatis, & magnificentiae plusquàm auream fabricando.

Lusi ego tunc in communi gaudio, & gratulatione Quiritium quoddam epigramma longiusculum in commemorandi splendorem facti, vtinam quidem æquè pro dignitate: quale id autem cunque est, quoniam commodè incidit, recisis aliquot intermedijs versibus, vt collatur tædium cum vestra bona venia recitabo. Titulus erat huiusmodi: De plateis Urbis ab Alexandro P.M. adamussim æquatis,

Imbue-

*Imbuerat rectis qui moribus antè Quirites ,
Distortas Princeps noluit esse vias .*

Hinc interijcitur narratio earum rerum, quæ priùs fuerunt, quæquæ nunc sunt, non sine respectu ad grandem, apertum, candidum animum optimi Pontificis, qui natura sua gloriam Urbis metiebatur.

Non Labyrinthos patitur pia Roma recessus ;

Hæc adamet fraudes cum Ione Creta suo.

Satis est fontem laudis ostendisse ; non moror riuulos : propero ad summam ex his confectam, quam dixi appositè in sem venire nostram :

I nunc marmoream sacra te linquere Romam

Ex latere, ò Cæsar : victus es arte tua.

Vicit ALEXANDER ; cuius moderamine Stella ,

Aurea Roma parùm est dicere, Recta nitet.

Hoc enim uerò recti nomē, quod venustè per κατ' ὄψωμα efferunt Græci, continetquæ interprete M. Tullio numeros virtutis omnes, illud erat, quod ego fortunato huic suo studiòse anquirens aucupabar gemmeo pretiosius. Nisi fortè existimabit aliquis, nimium humi stratus, auro, & argento, cæterisque commutabilibus fortunæ membris bonæ animi certa atquæ perpetua esse posthabenda. Bono mentis fructum est, si beati esse perfectè volumus. Id autem, ut Stoicis videtur, in virtute consistit ; nec multò secùs Herillijs, in scientia, & cognitione.

Sed cur Philosophorum Scholas attestor in re per se euidenti, cum vix alijs personent vocibus plena theatra fabulatorum ? Nonnè climax ille vel Epicurei poetæ, Vilius argentum est auro, virtutibus aurum, ponit satis alto loco virtutis dignitatem ? Comici Græci, credo, minoris æstimant rerum plurimarum intelligentiam, septemquæ illos Sapientes ioculari licentia cauillantur. Audite, quod minimè de mimis expectaretis, vnā & alteram intranscursu censoria grauitate dignam sententiam. Οὐκ ἔστι σοφίας κτῆμα ημιώτης, inquit, & Σοφία ὅ πλεον κτῆμα ημιώτης. Bianis subditur ratio ; ἀναφαιρῶν κτῆμα ἐστὶ παρὰ τὰς ἑσθλότητας. Quonam tandem modo ? quia

videlicet ὁ σοφὸς ἐν αὐτοῖς ἀειφύει τὴν δόξαν. Reddam Latinè, sicui fortè Græca non perindè intelligantur. Sunt enim profectò quatuor Iambi aureoli, non memorię solū cuiusq; mandandi, verum etiam intimis penitus sensibus insigendi. Distracti licèt, faciunt coniunctim hanc ferè mentem: Cum sapientia nullam debere possessionem comparari, ut quę cunctis opibus atquē diuitijs nimium quantum antecellat: hominem eum, cui liberalis eruditio insit, bonum acquisuisse permanens ac stabile sic, ut nulli iniurię, nulli pateat periculo amittendi, possitque idem cum Philosopho Prienæo gloriari iure, se omnia sua portare secum.

Sed quàm rapidè præter mentem de eo, quod vnice mihi constitueram, metæ spatio sum deiectus! Cùm enim omnia nouę me Bibliothecæ ad laudem accommodare, sponderim, nescio quomodò in eam sum fructus è librorum studio contemplationem illapsus. Verum ab eo cursu reflectam in gyrum orationem meam, cùm & temporis breuitas, & argumenti vbertas faciat, longiori ut sermoni sit moderandum: & ad vos, vestraq; beneficia, idest, tot ac tam insignia nobis Academicis, huic Collegio, Romanæ Urbis procurata per vos ornamenta, PATRES AMPLISSIMI, reuertar. Quanquàm quid accedere omnino, aut cogitari, vel dici quidem amplius potest ijs rebus præclarè gestis, quas vos ipsi duplici elogio, confectò in honorem optimi Patroni, incisoquē in candidissimo marmore cùm supra frontem ædis *Sapientie*, tum infra statuam ipsiusmet Pontificis, æternæ posteritatis memoriæ commendastis? Valcat, ut debet, hoc loco plurimum. Hectoreum illud, opinor, apud Nævium, Laudari à laudato viro. Si vel vnus voce honesti hominis prædicari vsque adeò censetur oprabile, quid existimandum erit de iucundissimo acroamata vestri omnium ordinis, instar Zōdiaci duodecim astrorum? Vos ea, ut dixi, tam clara ingenij & grauitatis lumina, ex vòto, beneficij literarij causā, non semel concepto, duo munificentissimo Principi gloriosa monumenta eodem anno collatis capitibus vnanimè crexistis. Alterum quidem, idemquē primum, supra
tem-

templi maiorem portam, vnius auctoramentum Sapientie, fidemquè ob perpetua in se merita Pontifici obligatam legentibus præfert in hæc verba:

ALEXANDRO VII. PONT. MAX.

Ob ædem Sapientiæ toto ambitu perfectam, & Bibliotheca Hortoquè medico instructam Sacri Consistorij Aduocati posuerunt, Anno millesimo sexcentesimo sexagesimo.

At verò alterum subscriptum bicubitali statu, ad maiestatis augustæ specimen quamuis ouata forma eleganter expressæ, quæ summa in Bibliotheca præcipuo loco cernitur multò se extendit latiùs, nec domesticæ gloriæ terminis contentum, totius insuper famam vrbis, ac tantum non orbis, adiungit. Hoc itaque, perindè vt aliud, seruat is idoneis inter lineas spatijs, cuiusmodi monstrat inscriptionem:

ALEXANDRO, & cætera.

Quòd post Vrbem à pestilentia vindicatam, & ad summam elegantiam nitoremquè multiplici opere perductam; post emendatos populi mores, & Cleri disciplinam, diuinumq; cultum sanctius ordinatum, aliaquè complura liberaliter posita & salubriter instituta; nè quid vel ad ciuium commoditatem, vel ad amplitudinem Vrbis deesset, liberalibus disciplinis, & bonis artibus publicè alendis excolendisquè, Gymnasii ædificationem absoluerit, Bibliothecam instituerit, instruxerit, dicarit, Idem eodem anno posuere.

Proh Superi, quàm multa quàm paucis! Quibus ex rebus singulis integri libri conficerentur, earum rerum primi

mi apices tantummodo perstringuntur. Hoc mihi vester facere stilus videtur, quod Timantis olim, pictoris nobilis, præstitit penicillus in tabulis, is plura relinquebat cogitanda, quam pingebat. Tamen ne vobis quidem iam istuc licet: feriatur commentatio, quoties habeatur certa cognitio. Scientia secundum Philosophos depellit opinionem, neque vilo pacto consistunt ambe in vna sede. Præuenterunt breuiloquentiam illustres multi copiosique scriptores. Ut contraxeritis laudes tantas, deductas sanè in angustum elogij lege, tamen liberè declarant acta miniatis paginis fasti Capitolini, extendunt tabularia populi Romani, resonat archæum Aeliæ molis, musea, quæ vbique sunt, certatim decantant, historiæ vociferantur, proponunt annales, monumenta seruant vetustatis. Et erit locus vllus orbis terrarum tam remotus, vllus angulus regionum omnium tam barbarus, & desertus, qui hilce memoriæ & acclamationis præsidij, tanquam maioribus tibijs exuscitatus, cuius nomen Parentis communis didicit pridem ac veneratur, non illius benefacta, supremi Domini atque Pontificis pernoscat, & admiretur?

Quamobrem vos protesto, PATRES AMPLISSIMI, pro prudentia vestra, & grati animi testificatione, cuius indebiti partem nos quoq; Doctores huius Academiæ haud exigua venimus, sanctissimè providentissimeq; fecistis, quod quemadmodum Aegyptij Nilo sumini inscriptas metas, quippè terram suam exustam alioqui ac sterilem stata vli-
ginis alluione quotannis à Lunæ montibus fecundanti, statuere, dati & accepti beneficij indices: eodem modo prorsus ALEXANDRO, rei literariæ Patrono Maximo, ad eamquæ promouendam ex his Romæ montibus, non modò gentilitijs, effusissimo torrenti liberalitatis, duplicem inscriptionem istam, quasi geminam Herculeis virtutibus fixam columnam, officiosa obstricæ religione vni-
uistis. Non temerè mihi videor Nilum, fluviorum regem, & totius orbis nobilissimum, traduxisse in similitudinem cum rege regum Pontifice Maximo: siquid in Vespasia-

mus facillè passus est se cum illo conferri; imò se contulit ipse, in donando. Cùm enim recens auctus imperio lustraret Aegyptum fertur incolis obuiam visendi causa venientibus pro concione dixisse, ut à se, tanquam à Nilo, liberè haurirent. Nimirum id innuere prudens voluit imperator, sicuti hic in sitientes Aegypti agros restagnantibus exundat aquarum riuis, ita illum, qui cæterorum obtinet principatum, totum in publicam effundere sese utilitatem oportere. Undè illa regum iactata vulgò summa præconia summæ largitæ, Matè magnificentiæ Abyssi clementiæ: quæ Manuclì Comneno tributa legimus. Verùm de his in præsentia satis; etiam fortassè, nè recedamus ab exemplo, nimis redundanter: nam cui tandem nomen ALEXANDRI cognitum est, Alexandri mens, & pectus ignota esse possunt? Ac propterea monueram ipso in limine orationis, attenderet Momus diligenter cœptæ machinatorem laudatæ; post de propeo luculentoquæ fastigio nequiquàm dubitaturum. Ad summam, ordiri & conficere, apud Alexandrum pro vno haberi.

Laudaui arrepta ansa encomij vestri, PATRES AMPLISSIMI, viuentes Principis in genere, maxime gratificandi prolixam voluntatem, extra lineas oleasque aliquantulum expatiatus; in gradum redeo, curricula primò instituti, ut de Bibliothecæ dignitate diuino nobis munere concessè planè absoluam. Scio me operam posuisse in re, ut paucis intellecta, sic non omnibus grata aequè & accepta: valdequæ vereor, nè ex his nonnulli, quos habeo nunc auditores in tanto concursu, non quos habere soleo, Cassianum illud, *Cui bono*, taciti secum mullitent.

Cui bono Bibliothecæ? cognoscite quid sit primò, deinde censetote. Maneat, non prout iacet verbum, accipi cū Grecis debere pro loco vel sede librorum, sed cū A. Gellio potius, non vulgari Grammatico, pro totius multitudi-
ne; qui aded, ambiguitatem ut fugeret, primus inter Latinos, quod sciam, Librariam appellauit. Neque enim sunt omnia Græciæ deferenda. laborat interdum, quod in Tusculanis Cicerō noster probè vidit, inopia verborum.

acuta natio: nec profecto cum accubationem epularem cupit inter amicos designare, per *αὐμνοῖν* tam honestè, idest, computationem exprimit, quàm qui Latine loquuntur, per conuiuium, hoc est, vitæ coniunctionem. Quid, quòd idem M. Tullius non simpliciter Bibliothecam alicubi, sed cum congressu etiam vocis Librorum, amphibolice vitans Scyllam, non tamen Charybdin tautologia, mirò dixit modo loquendi?

Quò posito, atquè intellecto, non esse locum, sed rem locatam, quam spectamus, videlicet libros ipsos; hi qualesnam demùm, cuius naturæ, aut quanti pretij esse possint, opportune videndum. Magnificis sanè, propè dicam nimis gloriosis nominibus, cum in omne genus non conueniant, quippè malos reperias quamplurimos, multosque libros cura, grandique sumptu sic congestos antiqui homines donauere. Pabulum orationis, & rationis Apollonius vocauit Rhodius; thesauros priorum sapientium Socrates; Hermes Trismegistus corruptionis remedium, siue haustum immortalitatis; Osymanduas Rex Aegypti, qui **Bibliothecam Diodoro teste primus instruxit, medicam animæ officinam.** Ecquid horum, delectus in ijs teneatur modò, inficiabitur quicquam? Itaque nulli mirum videri magnoperè debet, si viri doctrinæ & vitæ famam conspicui vendebant, aut ipsi opera sua maximo pretio, aut alij studijs illorum, atque disciplinis additi, si minùs libros potuissent obtinere, instrumentum certè, quòd ad lucubrandum authoribus aliquid contulisset, quamuis humile, & exiguum, quantilibet mercebantur. Fuit tempus, **PATRES AMPLISSIMI** (proh dolor, seu pudor potius effluxisse, nec antijs, nec capronis retrahendum.) tempus fuit, inquam, cum æstimarentur bonæ literæ, cum doctis etiam plurimus honos redderetur. Vnam orationem suam venundedit talentis viginti benè magnis ille flumen eloquentiæ Isocrates. Oppianus poëta, Seueri filio Imperatoris, Antonino poëma De piscibus nuncians, ab eo totidem aureis donatus est nummis, quot omnino versus numerabantur. Quadam epistola refert Secundus Plinius potuisse

se, cum procuraret in Hispania; vendere suos commentarios Largio Licinio millibus, similiter nummum quadringentis. Quis nunc Regum (exclamat, nec iniuria, illustri, quidam Galliae scriptor è superiore seculo) bibliothecam emere confectissimam velit decem aureorum millibus; quanti à Plinio ciuis vnus priuatus re gesta quaedam ex temporanea licitari non dubitauit?

Histriones in delicijs, nostris Troiugenis, Arabarchis, & Tetrarchis, animi, pueri symphoniaci, vt leuissimè dicam, moriones, & id genus ceterue: cedit loco vos; colligite vasa vel ad miraculum literati. Polos, Roscio, Aelopo, Laberio maria & montes; philosophiæ sectatoribus vix peritum dolum, aut leuidense, id què attritum palliolum. Ita verum est, quod flens, puto, cecinit Euripides, paupertatem omni tempore sortitam esse Sapientiam. *Quæ nihilo minus contingat mihi dotata vel sic, non ego in subsidium frequentabo potentiorum limina; mea tum virtute fatis inuolutus, & contentus vnicè.* Euomui hæc pauca (præfari liceat verbo honorem) vti res tulit; equidem stomachosius, tanta grauatús plerorumque peruersitate: *liquidius nunc ad finem usquè fluat oratio.*

Post libros, quibus saltem suus vlus inest atque fructus, tanti coemptos, illud demiror valdè, quid his in mentem venerit, qui supellestem barbatum alicuius magistri, morte deleri, non Deliaeam atquè Corinthiam vt lauti hominis, & elegantis, sed abiectissimam Samiam mendiculi & pan-nosi, cunctis acquirendi vijs, prece, pretio, gratia, simulatione, cupidissimè compararent. Nihil hic loquor de perforatæ Diogenis pallio, quod oculatum isti putabant; non commemoro situlam Cleonthis, qua hauriebat aquam, vnde se hausturos ipsius confidebant rerum humanarum tolerantiam; solum adducam lucernulam Epicteti, effusam natæ cuiusdam & inexplebilis veri visendi cupiditatis exemplum, quæ propter & viri auctoritatem, & vitæ sanctissimè traditæ admirationem, licet *facilis*, necdum olei nocturni absterfa fuligine, tribus tamen drachmarum millibus venisse dicitur.

Cui

Cui bono Bibliotheca? quis hoc Romæ, in libera beneque morata ciuitate, sede religionis, domo imperij virtutis & dignitatis, luce orbis terrarum, matre artium omnium; in ea denique vrbe, vbi humanitas, doctrina, verus Dei cultus, iura, leges ex toto perfecte in ceteras gentes distribuuntur; quis hoc homo vna rationis scintilla præditus, non prorsus bellua fera, & immanis, quætere audebit? Veruntamen in interrogationi vtcunque futili, & insolenti nos regum facta prudentissimorum, ac maiorum instituta grauissimorum hominum, quod simulati Catones isti conticescant aliquando, pro responso reponemus. Aut sanè, si per errorem ac miserabilem ignorantiam tales voces, non ex malitia processerint, optimum factu censeo, quod benè & salubriter præcepere, qui primis literis erudiunt iuuentutem, vt ipsis vnus duntaxat liber, tanquam pueris, relinquatur. Nam vt sunt humidior cerebro, atque adeò hebetes, & obtusi, sic debiliore laborant stomacho impares varijs cibis, quòd neque concoquere, neque digerere valeant multa. Neminem autem inuenio inter doctos, qui libros auidè non conquisiuerit, & cum multos possideret, semper plures non optarit. Ex hoc numero meherclè factum est, opinor, contritum tot seculorum vetustate prouerbium, vt homo homini Deus prædicetur. Antiquitas enim aliud nihil existimabat esse Deum, quàm prodesse mortalibus. Id qui negligeret, dicto contrario Homini lupus ferebatur. Vnde frugum, vini, legum, medicinæ inuectores, & quicunque ad vitæ commoditatem præclarum aliquid attulisset, hi omnes pro Dijs tutelarijs atque præstitibus sine vlla exceptione tenebâtur. Nec verò multis bestijs, nec corporibus quibusdam inanimis negatum fuit, quò minus propter beneficium diuinus cultus tribueretur. Quorum profectò herouum soboli atque propagationi, qui, totidem veluti Homerici Vlysses, mores & vrbes multorum si non peregrinantes, quod fecit ille, at læsitantes peruidere, summo consilio principes viri (vt supra dixi) cautum esse voluerunt, copiosas Bibliothecas, sua quisque in ditione, vnâ vel plures aperiendo.

Audistis paulò antè ex Diodoro Siculo, regia huiusmodi munificentia qui præluxerit, omnium primum extitisse Osymandum. Cui Gellius tamèn suis Athenis, Noctiū scriptor Atticarum, tantum honorem astruens repugnare videtur, dum Pisistratum tyrannum libros ibi ingenuorum studiorum publicè ad legendum præbendos ait posuisse primum. Nisi verò primum in ea vrbe, non omnium ubiquè gentium mens erat intelligere. Sed istud non disputo, quis cui præiuerit; sufficit scire, bonum authorem, quicumque is fuerit, eximios complures inuenisse sectatores. Quid? parumnè est potentissimos Reges, atquè eruditissimos homines, exemplo attractos suo ad æmulationem laudis excitasse? Ptolomæum Philadelphum plusquàm septingenta voluminum millia, inter quæ Hebraicum quoquè diuinæ legis instrumentum, summis impensis congregasse constat in Serapæo. Supra ducenta millia Eumenes Pergamenus coaceruauit. Hierosolymitanam, Bizantinā, Cæsariensem per celebres fuisse bibliothecas largequè collocupletatas accepimus. His verò missis, veniamus ad nostrā potius tum vetera tum recentia. Nemo est historix tam ignarus, quin audierit de Luculli, summi Imperatoris, Apolline. Id nominis dederat ipse triclinio domi suæ cuidam extremi apparatus epulandi. Fecit idem tamen dubium vel nomen, vel numen Apollinis, alio inconclauī longè & ampliore, & splendidiore, libros multos pereleganter scriptos exhibendo, vtri se parti mentis an corporis, scholæ an culinæ, Deus ferret ille propensior. Hoc ipsum præstitit & Sylla, quod ad literas attinet, eo vno iudicio Felix mea quidem sententia magis acclamandus, quàm aut Dictatura, aut victorijs omnibus, & triumphis. At multò compleuit partes istas Asinius Pollio Augusti tempore venustius, cui numerum voluminum ingentem non modò curæ fuit vndiquè colligere, verum ille novitio præterea inuento luculentos scriptores ex auro argenteouè aut certè ex ære dedicauit, quorum immortales animæ in iisdem locis loquebantur.

Et quoniam Augusti Cæsaris est facta mentio, è re videtur

tur Palatinam eius, quæ duplex erat Græca & Latina, commemorare Bibliothecam. Relinquo vniuscuiusque cogitationi apud se ut reputet, (quòd mihi longum foret exequi singula) num ea iam dictis vlla parte debuerit inferior esse, cuius auctor amore ac scientia doctrinarum, amplitudine, munificentia, potestate cunctos homines superaret. Nec libet ob angustias temporis istiusmodi opibus aliorum veterum immorari, Traiani, Vespasiani, ne Capitolij quidem: vnico P. Victoris testimonio expedire me volo, dicamquæ semel, Bibliothecas in vrbe publicas vndetriginta extitisse. Venio currens ad nostra tempora: quæ tametsi immensum campum aperiunt laudibus huius generis, ea tamen similiter eadem de causa, quàm possum, breuissimè perstringam. Præfabor hoc tantum, quò recens eluceat opulentia priscae comparata, nec regem regi, nec priuato priuatum, nec locum loco cedere hilum in commendatione studiorum, etiam anteire plerumquæ. Ducat ergò sanè aciem iure suo extra ordinem (nam quid visum fuit vnquam simile aut secundum?) Vaticana Bibliotheca: occupet sine inuidia proximos honores nostra in Britannia Oxoniensis: tum succedet facilis ratio deinceps reliquarum, Escorialis, Parisinæ, & quæcunque celebrantur Regum maximorum: Vrbina, Germanicæ Palatinæ, D. Marci, Medicæ, Ambrosianæ, fortunatorum Ducum, & Principum: iterum Romæ, Angelicæ; foris etiam Pithocæ, Bodleianæ, Peirescianæ, Vossianæ, Auendannæ, vel locorum, vel ciuium priuatorum.

Cui bono Bibliotheca? Licinij vocem alicuius audire, videor, seruilis Daci, quanquam Imperij possessoris, literis (ut fertur) vsque adeò infesti, uti virus ac pestem publicam eas appellaret. Timonem ego *μισῶν-δρων* millies sustinerem in vita potius, quàm tale monstrum *μισόλογον*. siquidem ille hominum genus oderat vniuersum, eò quòd ex forma homo esse cognosceretur; iste autem eos homines tantum auerfabatur, qui ratione & oratione præstarent cæteris, quosquæ harum virtutum indigentia quasi bestias sub humana figura non vidisset. **Exempla veræ virtutis**

cum honore interioris & reconditę literaturę iam posuimus clara & illustria ex summis viris : in quibus siquis tamen, cum os perfricuit, adhuc erit tam absurdus, ita natus iratis Musis, ut nolit acquiescere, persistatquę stultissimę interrogando; huic insanabili capiti, quod tres Anticyrę nunquam restituerint, pro deportatione voueo & opto, se Licinio ut adiungat, pœnarum daturum satis, eius si gustet felicitatem.

Num leue malum sum forsàn imprecatus, inscitiam? vno verbo miseras omnes comprehendi, stuporem mentis, stulticiam, insaniam, hoc etiam calamitosiores, ex medicinę oraculo, si transierint in habitum, ut minimę sentiantur. Nihilo tamen minüs, quia, ut cecinit non elegantius, quàm verius Venusinus olor, Segnius irritant animos demissa per aurem, Quàm quę sunt oculis subiecta fidelibus, & quę Ipse sibi tradit spectator; antequàm extremo iudicio de tanta peruicacia decernatur, quàmque lex ita deprauatum quempiam ad agnatos, & gentiles deduci iubeat, operępretium erit pro vltimo remedio ad resipiscendum, loco testimonij & exempli, quę sunt ferè præteritorum, rei spectaculum præsentis viuó videntiquę, quod aiunt, ob oculos proponere. Post hoc, manente tamen prima sententia, causę nihil dico, quin valeant duodecim tabulę; proindę ut in furioso, per me licet, pôtestas esto. Sed me spes tenet, inò fiducia bonę frugis, ad conspectum vnus omnium sapientissimi auctoris & optimi, huic orandę reginę rerum Sapientię prodigam manum admoventis.

Te dico, ALEXANDER, & imperio, & cognitione, & sacerdotio Trismegiste; qui cum summa semper cogitaris, & feceris, cum verò in hac parte imbuendi hominũ mentes exquisitissimis scientijs, ac disciplinis per Romanam istam Academiam, cuncto ad id subsidio largę à te auctam, munificęque cum primis illustratam, præcipuum quoddam studium, diuinamquę voluntatem ostendisse videaris. Tu nimirum præclarę intellexisti, quemadmodum vsum librorum, sic permultorum ad multiplicem eruditionem necessita-

cessitatem. Omnino, ut in cœlo non vnum duntaxat sidus supremus mundi opifex molitorquē Deus collocavit, sed infinita propē collucentium stellarum multitudine nobilissimum illud corpus distinxit, ut ex varijs varia signa mortales ediscerent; simillima ratione in hac civili vitæ diuerforum veluti ingeniorum faces constituendas fuisse, quibus ipsa collustraretur. Nec enim ex vno fosculo sarta conficere coronarios artifices, nec ab vno exemplari pictores eximios pendere: sed & eos in diuersis areolis diuersa florum genera studiosissimè colligere, quò suum opus tum coloris, tum odoris grata varietate distinguant; & hos, ut excellentem alicuius formæ pulchritudinem expriment, transfundantquē in vnam imaginem (quod in Helenę simulachro Zeuxin fecisse, & Apellem in Coa Venerē traditum est) speciosissimas complures virgines vndiquē conquisitas ad imitandum sibi dari postulare. Tu idem pristinum morem bibliothecam dedicandi reduxisti, Ptolomæo & Augusto paribus tuis, si fas est ita loqui, familiarem; cū illam almæ *Sophiæ* templo & Lycœo censueris annectendam. Laudauimus suprà Palatinam Augusti, quam statuit ipse ex marmore Lunensi in templo Apollinis, atquē area & porticu amplissima circumsepserat. Itemquē de Serapæo, seu fano Serapidis, quod erat Alexandriæ clarissimum, commeminimus, in quo Ptolomæi reges posuerant suam. In huius honorem posterioris id insuper habeo prædicare, quā in re accessit Rex proximè ad prouidentiam tuam, quòd literatorum hominum Collegium habuerit coniunctum, de publico aliorum tanquam in Prytæo, ut bibliothecæ ad omnia præstò essent, atquē deseruirent; præsertim verò tot ut voluminum subsidio doctissimorum nixi & adiuti, quæ inibi asservabantur, ea ipsi monumenta, in dies lucubrationibus augerent suis. Nunquid ista basilicę huius tuæ, seu iam nostræ potius, æterno tuo beneficio ac planè cœlesti munere, vera & expressa est imago? est profectò illa ipsa. Quare accipe ex hoc die in omne venturum tempus pro perpetuis istis atquē immortalibus in nos beneficijs, & meritis, BEATISSIME PATER,

vltia

ultra cognomentum *Maximi*, quod in tanto Pontificatus apice semper fuit religionis, & dignitatis, & tibi quidem commune cum decessoribus tuis, sanctissimis viris, agnomen etiam *Euergetæ*, titulum, in qua vnice triumphas, magnanimitatis, summè debitum ac propriè tuum, veluti propitiij fideris & salutaris. Referre gratiam, non opis est nostræ; nec, ut maximè velimus, res sub Sole vlla suppetit, quæ dignè id queat; cæterum hoc ego polliceor omnium nomine, quod æqui boni faciunt præstantissimi Herôes, ad prædicandam & habendam verba nemini vnquâ defutura.

Quanquam re quoquè vos, PRTRES AMPLISSIMI, (ut vnde orsus erat, eò reuocetur, ibique habeat exitum institutus sermo) connitimini, quantum sinunt facultates vestræ, gratos vos ostendere. Quid agendo, aut quomodo? coniecto cuiusque symbolo philosophicum in epulum ad Principis imitationem. Etenim ille armarium Palladiæ tale ac tantum non satis habens ad cælum extruxisse, nisi præterea multa & lauta suppellectile muniuisset (nam eleantes & reconditos còdices quot suppeditaucrit hæcenus notum est, quot immissurus porrò sit, nunquàm scietur, quia nullus erit finis) nec eo contentus, nisi pectoris sui æmulum, ut sanguinis participem, *Flauium Chisum* excitasset Fratris filium, admirandæ iuuenem indolis, inter Purpuratos iampridem allectum, ad supparem liberalitatem, raro exemplo Mercuriales viros prouocat omnes. Non quòd necesse sit, aut ipse omninò id expectet, totus aptus ex sese; non plus, quàm aquas tralatitias Oceanus, aut Sol suppetias stellarum auxiliarium; sed quia ita conuenit, quia exprimit officiosus animus, quia partes nostræ sollicitantur, ut tali significatione aliqua pendere tributum obstricte ac deuotæ mentis videamur velle. Quod vos ut cumulatissimè, sponte iam vestra, minimè quesiti præstitistis, sic de constati voluntate nequeo dubitare in futurum; quin plura & maiora cogitetis. Igitur cohortatione, nè inanis & sine causa suscepta videatur, supersedendum existimo; nisi fortè prudentis erit, & non insani, currentem, equum, ut dicitur, calcatribus incitare.

Nec

Nec video utiquè maiorem causam eruditissimos homines, grauiissimosquè scriptores, & doctores, *Collegas meos* in hoc epilogo admonendi, ut istam Bibliothecam, aliquo ingenij thesauro viuacis reddant Amalthæum; cum infinitis operibus abundant singuli domesticis, & alienis. Opera voco domestica eorum propria, quibus malim ipsos benemereri de augusto hoc loco, quam externi vllius muneris vel sumptuosissima largitate. Id adeò nuper innuitum, cum Sanctissimus ALEXANDER Pontifex, & Patronus noster amantissimus, à Vaticano rediens in secessum Quirinalem huc de via, operis sui visendi gratia, venturus dicebatur. Tunc equidem, quod tam improuiso nuntio fieri subitò potuit, Oden cecini ad Collegas humanissimo Principi offerendam huius argumenti; Ut proprijs libris ornando Bibliothecam optimi Pontificis occuparent munificentiam. Pro clausula & nimie patientiæ vestrae, & non satis eque orationis meae, si commodum superest, hauriatur, quæso, benignis auribus.

Musarum audijt hæc enus

Iunctis ductor amans ædibus Hercules.

Hoc commercia mutua,

Alternæquæ operæ grata necessitas

Suadebat populo decus.

Defensoris eget Pegasidum quies.

Nimirum: & foret inclyta

Quid virtus, cytharæ si renuat fides

Testari Superis parem?

Sed quò me rapuit tramite deuio

Alcides, mera fabula?

Standum est historijs; quas Capitolij

Hinc fasti referent, tuo

Accessu celebres ad Sapienciam,

Clarature scientias

Doctorem, Alme PATER. Te columen domus

Spectamus, veluti tener

Solem furculus, aut nauita Castorem!

Quan-

Quantum nil opis indigus

Es nostræ : tibi tu fama palæstrica ,

Et laurus simul , & tuba :

Nec gressum poteris figere, Palladi

Quin plaudas propriæ : tamen

Acclamare iuvat nos quoquæ vinculis

Obstrictos opulentia.

Siccós forsàn erit currere riuulos

In vastum Oceani sinum.

Sed clamare iuvat. Mercurialium

O custós bonæ partium;

(Fortis cui Macedo nomina præstitit ,

Auxisse inuidus alterum

In maius :) meritis quas dabimus vices ,

Vel quæ præmia solvimus !

Tandem inuenta via est , grata Sodalibus ,

Mundi gratior Arbitro.

Vidistis, pluteis vt modò inanibus

COLLEGAE, properus pedem

Fulgenti ex adyto traxit Apollinis;

Quantis millia destine

Ipse electa loco corpora codicum ?

Quid stamus resides ? agè ,

Præuertamus opus : quisque volumine


Inscripto repleat cauum ;

Illiusquæ crepent scrinia laudibus.

D I X I.



NE pars ulla huius chartae vacua, idest, immunis abiret,
 visum est annexere sequens Epigramma nuper à me
 conceptum, quod utramque conficeret (ut dicitur) paginam,
 propter rei subiectae mirabilitatem. Hoc opus verè sanctum,
 ac regium post alia publica multa, S.D.N. meditatus est deni-
 que, nec in eo finem facis paterna eius cura, semper nova pro-
 cudent ad ornatum Urbis. Ecquidnam verò poterat huc ac-
 cedere accommodatius? cum praesertim idem ipsum trahas
 argumentum praemissa Orationis; perpetua
 nempe Optimi Maximique Pon-
 tificis beneficia in omne hu-
 manum genus.



De magnifico atque admirabili Amphitheatro,
 quod ALEXANDER PONT. MAX.
 Basilicae D. Petri ad Sacros Ritus per-
 ficiendos praestitui iussit.

EPGRAMMA.

Hic ubi clara micant summi fastigia Petri,
 Et Vaticanus sidera terret apex;
 Insidiosae putris stagnabant iugera creta,
 Ante meri testas, implicitura pedes.
 Hic ubi de medio surgis meta ardua circo,
 Maxima Niliadum; Scipio tectus erat.
 Hic ubi conspiciamus vitreos tolli agmine fontes,
 Christicolum opplerat labra cruore Nero.
 Erigitur moles ubi nobilis Amphitheatris,
 Pompeiana Paphi fulserat umbra Deam.

39. PRO BIBLIOTHECA
*Sic cuncta in melius conuersa nitescere sumptu
 Pontificum, Suasis religionis honor.
 At tu porticibus circum, Pater Optime, ductis,
 Monstrasti totum cum pietate decus.
 Hinc neque iam cuius culpam, nec aduena tempus
 Inuisum poteris, Sol quod uterque refert.
 Mille colit tua Roma Deum vallata columnis
 Et uouet Auctori tot Tibi Pyramidas.*

E I N I S





